

1. Հոգիս ծարավ է Քեզ, Հիսուս, քաղցր խոսքերիդ,
 Պապակ հողի նման, իմ հոյս, անուշ նայվածքիդ,
 Հենց հնչում է իմ ականջին Քո անունն հեռվից,
 Իսկույն արևն է փայլում ինձ մութ ամպի տակից:

2. Աղվեսները որջեր ունեն, թռչունները՝ բույն,
 Այս աշխարհում ես տեղ չունեմ գլուխս դնելու,
 Բայց տուն ունեմ ես երկնքում, Տէր Հիսուս, Քեզ մոտ,
 Հոգնել եմ, Տէրս, առաջնորդի՜ր խոտավետ արոտ:

3. Վերև՝ դեպ երկինք է կանչում անհուն սերդ ինձ,
 Սուրբ արյամբդ ես լվանում ինձ իմ մեղքերից,
 Բայց փշոտ է երկնի ճամփան, տառապանքներով,
 Օգնի՜ր, Տէրս, քայլեմ միայն ես Քո հետքերով:

4. Հառաչելուց ես հոգնել եմ, բժշկի՜ր ինձ, Տէր,
 Ամեն գիշեր ես լացում եմ, ինձ դարձի՜ր, իմ Տէր,
 Մահվան մեջ Քեզ հիշատակել, ո՛վ Հիսուս, չկա,
 Գերեզմանում Քեզնից, իմ Տեր, ո՞վ պիտ գոհանա: